



DOČEK NOVE GODINE U MIAMI-U!

MIAMI + NEW YORK

27.12.2026-05.01.2027.

7 NOĆENJA / 9 DANA

Ima nešto u tim gradovima što vam ne da spavati!

Miami... grad u kojem sunce uvijek sija, a ritam života mami osmijeh na lice. Ovdje se spajaju egzotična priroda, plaže sa zlatnim pijeskom i kulturna scena koja inspiriše svakog putnika. Šetajte South Beachom, istražujte šareni Wynwood i uživajte u autentičnoj latino kuhinji – svaki trenutak ovdje je nezaboravan! New York... kažu da ukoliko ne zavolite New York, nešto nije uredu sa vama. Ovaj grad je vječna fascinacija ne samo zaljubljenicima u putovanja već i ljubiteljima umjetnosti, sanjarima koji su oduvijek maštali kako će jednog dana postati najbolji u svojim profesijama štoće ih dovesti direktno ovdje!

VRIJEDNOST VIŠE: Smještaj u centru Miamija, najvažnije atrakcije, plaže i restorane imate nadohvat ruke + smještaj u srcu New Yorka, samo nekoliko koraka od Times Squarea, Broadway pozorišta i glavnih atrakcija grada

PROGRAM PUTOVANJA

1. DAN, 27.12.2026-28.12.2026. (NEDJELJA-PONEDJELJAK), SARAJEVO – ISTANBUL – MIAMI

Sastanak putnika na Sarajevskom aerodromu kod Centrotours šaltera 90 minuta prije leta. Let broj TK1026 za Istanbul u 20.20h sa dolaskom u Istanbul 00.20h. Slijedi presjedanje na let za Miami (TK157) u 02:10h. Dolazak u Miami predviđen je u 07.10h naredni dan, 28. decembra. Nakon pasoške i carinske kontrole slijedi bus transfer do hotela. Za putnike koji svoj boravak na Floridi žele započeti uz malo avanture, preporučujemo **fakultativni izlet u Gator Park**, uz doplatu. Po dolasku u park slijedi uzbudljiva vožnja **airboatom**, posebno dizajniranim čamcem koji zahvaljujući snažnom stražnjem propeleru klizi kroz plitke vode i močvarna područja Floride. Vožnja traje približno **20 minuta** i pruža priliku da iz neposredne blizine doživite jedinstvenu prirodu Floride. Tokom vožnje obratite pažnju na aligatore koje možete vidjeti kako se sunčaju uz obalu, plivaju kroz močvaru ili borave u svom prirodnom staništu. Nakon vožnje slijedi **Live Gator Show** – zabavan i edukativan program tokom kojeg ćete upoznati čuvene floridske aligatore i druge zanimljive reptile te saznati više o njihovom ponašanju, staništu i načinu života u divljini. Po završetku izleta slijedi **transfer do hotela** i smještaj u skladu s vremenom prijave. Ostatak dana je slobodan za odmor nakon putovanja ili individualno upoznavanje Miamija. **Noćenje u hotelu.**



2. DAN, 29.12.2026. (UTORAK), MIAMI CITY TOUR + GATOR PARK & STARS ISLAND

Nakon doručka slijedi **panoramsko razgledanje Miamija**, tokom kojeg ćemo upoznati najpoznatije gradske četvrti, znamenitosti i mjesta koja najbolje oslikavaju različite strane ovog fascinantnog grada.

Razgled započinjemo u **Miami Beachu**, gdje ćemo vidjeti čuveni **Lincoln Road** i legendarnu **Versace Mansion**, jednu od najprepoznatljivijih znamenitosti South Beacha. Nastavljamo prema **Little Havani**, živopisnom srcu kubanske zajednice u Miamiju. Prepoznatljiva latino atmosfera, muzika, kafići i kubanska tradicija pružaju poseban uvid u kulturno naslijeđe koje je ostavilo snažan trag u razvoju današnjeg Miamija.

Sljedeća stanica je **Wynwood**, nekadašnja industrijska četvrt koja je danas pretvorena u jedan od najpoznatijih svjetskih centara ulične umjetnosti. Nekada zapuštena skladišta i zidovi postali su ogromna platna na otvorenom, prekrivena spektakularnim muralima međunarodno priznatih umjetnika.

Nastavljamo prema **Coconut Groveu**, jednoj od najstarijih i najšarmantnijih četvrti Miamija. Ovdje ćemo vidjeti historijski terminal hidroaviona nekadašnje kompanije **Pan American Airways**, u kojem se danas nalazi gradska uprava Miamija, te napraviti kraću pauzu kod marine za fotografisanje.

Vožnju nastavljamo kroz elegantni **Coral Gables**, poznat po avenijama okruženim zelenilom, mediteranskoj arhitekturi i prelijepim rezidencijama. Među najpoznatijim znamenitostima ovog dijela grada su historijski **Venetian Pool**, nastao na mjestu nekadašnjeg kamenoloma koraljnog kamena, te legendarni **Biltmore Hotel**, jedan od najpoznatijih historijskih hotela Miamija.

Slijedi odlazak do **Bayside Marketplacea**, gdje je predviđena pauza za ručak i slobodno vrijeme.

U poslijepodnevним satima putnici će imati mogućnost odlaska na **fakultativni izlet – Star Island Boat Tour**.

Tokom opuštajuće panoramske vožnje brodom obići ćemo **Star Island, Hibiscus Island i Palm Island**, poznate po spektakularnim vilama uz obalu i luksuznom načinu života. Sa broda ćemo vidjeti impresivne rezidencije koje su tokom godina bile povezivane s brojnim svjetski poznatim ličnostima, među kojima su **Gloria Estefan, Julio Iglesias, Madonna, Frank Sinatra** i mnogi drugi. Nakon završetka izleta slijedi povratak u hotel. **Noćenje u hotelu.**



3. DAN, 30.12.2026. (SRIJEDA), FLORIDA KEYS + KEY WEST

Nakon doručka putnici imaju mogućnost odlaska na **fakultativni cjelodnevni izlet na Key West**, najjužniji grad kontinentalnog dijela Sjedinjenih Američkih Država.

U jutarnjim satima polazimo privatnim prijevozom i krećemo na slikovito putovanje legendarnom cestom **Overseas Highway**, kroz spektakularni arhipelag **Florida Keys**. Put nas vodi preko niza otoka i mostova okruženih tirkiznim vodama Atlantika i Meksičkog zaljeva, zbog čega je već sama vožnja jedan od najljepših dijelova ovog izleta.

Na putu ćemo napraviti pauzu kod čuvenog **Robbie's of Islamorada**, gdje putnici mogu popiti kafu i doživjeti jednu od najpoznatijih atrakcija Florida Keysa – **hranjenje velikih tarpona** koji se okupljaju oko pristaništa.

Nastavljamo vožnju kroz Florida Keys prema **Key Westu**, živopisnom otočnom gradu poznatom po karipskoj atmosferi, historijskoj arhitekturi, tropskim pejzažima i opuštenom načinu života.

Po dolasku slijedi panoramski obilazak Key Westa, tokom kojeg ćemo vidjeti čuveni **Southernmost Point**, jednu od najpoznatijih znamenitosti grada, udaljenu svega oko **90 milja (145 km) od Kube**.

Vidjet ćemo i **kuću Ernesta Hemingwaya**, u kojoj je slavni američki pisac živio tokom 1930-ih godina, kao i **Harry S. Truman Little White House**, historijsku rezidenciju koju je američki predsjednik Harry S. Truman koristio tokom svojih

boravaka na Key Westu.

Slijedi vrijeme za upoznavanje čuvene **Duval Street**, srca Key Westa, okružene šarenim zgradama, restoranima, kafićima, barovima, galerijama i prodavnicama. Putnici će imati i slobodno vrijeme za šetnju živopisnim ulicama historijskog centra i uživanje u jedinstvenoj atmosferi ovog tropskog otočnog grada. U kasnim poslijepodnevним satima krećemo nazad kroz **Florida Keys**. Na povratku ćemo se zaustaviti na području **Islamorada**, gdje ćemo, ukoliko vremenski uslovi dozvole, uživati u jednom od spektakularnih zalazaka sunca po kojima su Florida Keys poznati, uz muziku uživo – savršen završetak dana provedenog na otocima. Nakon zalaska sunca nastavljamo vožnju prema Miamiu. **Noćenje u hotelu.**



4. DAN, 31.12.2026. (ČETVRTAK), DOČEK NOVE GODINE

Nakon doručka slijedi **slobodan dan u Miamiu** za shopping, kupanje, odmor i individualno istraživanje grada.

Za one koji žele opušteniji dan preporučujemo odlazak na predivne plaže **South Beacha**, kupanje u toplim vodama Atlantskog okeana ili jednostavno uživanje u floridskom suncu. Možete prošetati legendarnim **Ocean Driveom** i istražiti čuveni **Art Deco Historic District** u Miami Beachu. Pastelne fasade kulturnih Art Deco zgrada, ulice obrubljene palmama, brojni kafići i restorani te prepoznatljiva atmosfera ovog dijela grada posebno dolaze do izražaja tokom praznične sezone.

Putnici koji žele upoznati moderniju stranu Miamijsa mogu posjetiti **Brickell City Centre**, poznat po luksuznim prodavnicama, restoranima i sadržajima za zabavu, ili uživati u opuštajućoj vožnji brodom po **Biscayne Bayu**, uz pogled na impresivnu panoramu Miamijsa s vode. U večernjim satima vodič će ponuditi mogućnost **organizovanog dočeka Nove godine na čuvenom South Beachu**, uz večeru i prigodni novogodišnji program. Kako se približava ponoć, atmosfera na Miami Beachu postaje sve življa, dok se stanovnici Miamijsa i posjetioči iz cijelog svijeta okupljaju kako bi zajedno ispratili 2026. i dočekali novu godinu. Svjetla **Ocean Drivea**, muzika, praznična atmosfera i spektakularni novogodišnji vatromet iznad Miami Beacha učinit će ulazak u novu godinu posebnim trenutkom ovog putovanja. **SRETNA NOVA 2027. GODINA!** Doček Nove godine na **South Beachu u Miamiu** zasigurno će biti jedan od najupečatljivijih trenutaka našeg putovanja Floridom. **Noćenje u hotelu.**



5. DAN, 01.01.2027. (PETAK), MIAMI - NEW YORK

Posljednju noć 2026. proveli smo pod palmama Miamijsa, a prvi dan 2027. započinjemo među svjetlima i neboderima New Yorka. U ranim juturnjim satima slijedi odjava iz hotela i transfer prema aerodromu u Miamijsu.

Let za **New York kompanijom American Airlines** planiran je u juturnjim satima. Po dolasku u New York i preuzimanju prtljaga slijedi susret s lokalnim vodičem i polazak na **panoramsko razgledanje Manhattana** – idealan prvi susret s jednim od najpoznatijih i najuzbudljivijih gradova svijeta. Razgled započinjemo u području **Central Parka**, nakon čega nastavljamo čuvenom **Museum Mile**, gdje se nalaze neke od najznačajnijih kulturnih institucija New Yorka, uključujući svjetski poznati **Metropolitan Museum of Art**. Nastavljamo prema **Columbus Circleu**, a potom ćemo vidjeti legendarni **Plaza Hotel** i prepoznatljivi stakleni ulaz u **Apple Fifth Avenue**. Vožnjom čuvenom **Fifth Avenue**, jednom od najpoznatijih avenija na svijetu, vidjet ćemo **Trump Tower**, veličanstvenu **katedralu St. Patrick's** i **Rockefeller Center**, jedan od simbola Midtown Manhattana. Nastavljamo pored impresivne **New York Public Library**, prema prepoznatljivoj zgradi **Flatiron Building** i **Madison Square Parku**. Put nas zatim vodi prema južnom dijelu Manhattana, do **Washington Square Parka** i **New York Universityja (NYU)**, nakon čega prolazimo kroz živopisne ulice četvrti **SoHo** i nastavljamo prema Lower Manhattanu.

U **Financial Districtu** upoznat ćemo finansijsko srce New Yorka i vidjeti legendarnu **Wall Street** te područje **World Trade Centera**, uz pogled prema rijeci Hudson i prepoznatljivoj panorami Manhattana. Naš prvi dan u New Yorku završavamo u njegovom blistavom srcu – na čuvenom **Times Squareu**. Okružen ogromnim digitalnim ekranima, Broadway teatrima, prodavnicama i restoranima, Times Square najbolje dočarava energiju grada koji nikada ne spava.

Nakon završetka razgleda slijedi **transfer do hotela, prijava i smještaj**. Nakon kraćeg odmora, ostatak večeri je slobodan za individualne aktivnosti. Iskoristite prvu večer u New Yorku za šetnju Manhattanom, uživanje u prazničnoj atmosferi i svjetlima **Times Squarea**. **Noćenje u hotelu.**



6. DAN, 02.01.2027. (SUBOTA), NEW YORK – IKONE NEW YORKA

Nakon doručka slijedi **slobodan dan u New Yorku** za individualno istraživanje grada, shopping i uživanje u Manhattanu vlastitim tempom. Za putnike koji žele doživjeti neke od najvećih simbola New Yorka, preporučujemo cjelodnevni fakultativni izlet „**Icons of New York**“. Dan započinjemo poput pravih Njujorčana – **vožnjom metroom do Battery Parka** na jugu Manhattana. Odavde se ukrcavamo na trajekt i plovimo njujorškom lukom prema **Liberty Islandu**, uz fantastične poglede na Manhattan i njegovu prepoznatljivu panoramu.

Po dolasku slijedi posjeta svjetski poznatom **Kipu slobode – Statue of Liberty**, jednom od najvećih simbola New Yorka i Sjedinjenih Američkih Država. Imat ćemo dovoljno vremena za šetnju otokom, fotografisanje i uživanje u pogledu na njujoršku luku i Manhattan. Nakon povratka trajektom do Battery Parka nastavljamo pješice kroz historijski **Financial District**. Tokom šetnje vidjet ćemo legendarnu **Wall Street**, čuvenog bronzanog bika **Charging Bull**, memorijalni kompleks **9/11 Memorial**, impresivni **One World Trade Center** i spektakularnu arhitekturu **Oculus**.

Potom ponovo koristimo njujorški metro i prelazimo East River prema Brooklynu i četvrti **DUMBO**, jednom od najpopularnijih i najfotogeničnijih dijelova New Yorka. Popločane ulice, nekadašnja industrijska skladišta pretvorena u moderne prostore, parkovi uz East River te spektakularni pogledi na **Brooklyn Bridge** i **Manhattan skyline** čine DUMBO jednim od mjesta koja jednostavno morate fotografisati tokom boravka u New Yorku.

U nastavku dana vraćamo se na Manhattan, gdje nas očekuje još jedan poseban doživljaj New Yorka – **pogled na grad s jednog od njegovih najpoznatijih vidikovaca**. U zavisnosti od raspoloživosti termina, posjetit ćemo legendarni **Empire State Building** ili moderni **SUMMIT One Vanderbilt**, odakle se pružaju spektakularni panoramski pogledi na Manhattan i nepreglednu urbanu panoramu New Yorka. Nakon završetka programa slijedi slobodno vrijeme za shopping ili jednostavno uživanje u večernjoj atmosferi grada koji nikada ne spava. Povratak u hotel individualno. **Noćenje u hotelu.**



7. DAN, 03.01.2027. (NEDJELJA), NEW YORK

Nakon doručka slijedi slobodan dan u New Yorku, idealan za istraživanje, shopping i uživanje u posebnoj zimskoj atmosferi grada. Preporučujemo da dan započnete šetnjom kroz čuveni **Central Park**, zelenu oazu u srcu Manhattana koja tokom zime poprima potpuno drugačiji izgled. Mirne staze, mostovi, jezera i impresivni obrisi njujorških nebodera stvaraju neke od **najljepših prizora zimskog New Yorka**. Za pravi njujorški zimski doživljaj možete se okušati i u **klizanju** na jednom od poznatih gradskih klizališta. Posebno je poznato klizalište ispred **Rockefeller Centra**, okruženo neboderima Midtowna – jedan od prizora koji je postao sinonim za praznični New York.

Ljubitelji shoppinga mogu dio dana provesti na legendarnoj **Fifth Avenue**, jednoj od najpoznatijih shopping ulica na svijetu, gdje se nalaze butici prestižnih svjetskih brendova i **poznate robne kuće** (Louis Vuitton, Tiffany & Co., Gucci, Cartier, Saks Fifth Avenue, Bergdorf Goodman, Apple). U prazničnom periodu ovaj dio Manhattana posebno privlači pažnju raskošno uređenim izlozima, dekoracijama i svjetlima.

Za posljednju večer u New Yorku predlažemo odlazak na **Broadway predstavu**. Bilo da odaberete jedan od čuvenih mjuzikala ili neku od popularnih pozorišnih produkcija, večer na Broadwayu pruža priliku da doživite onu stranu New Yorka zbog koje ovaj grad nosi titulu jedne od svjetskih prijestolnica kulture i zabave. Nakon predstave uživajte u osvijetljenim ulicama Midtown Manhattana i Times Squarea i posljednjoj večeri u New Yorku. Noćenje u hotelu.



8. DAN, 04.01.2027. (PONEDJELJAK), NEW YORK – ISTANBUL – SARAJEVO

Nakon doručka slijedi **odjava iz hotela**, uz mogućnost ostavljanja prtljaga na recepciji. Slobodno vrijeme iskoristite za posljednju šetnju Manhattanom, shopping, kupovinu suvenira ili posljednju kafu u New Yorku.

Otprilike **tri sata prije leta** slijedi okupljanje u hotelu i transfer na aerodrom **JFK** (John F. Kennedy International Airport).

Polazak letom Turkish Airlinesa **TK002 u 20:15 sati** za Istanbul. Planirano slijetanje u Istanbul je narednog dana u **14:10 sati**.

Nastavak putovanja letom **TK1023 u 20:10 sati** za Sarajevo.

Planirani dolazak na **Međunarodni aerodrom Sarajevo u 20:05 sati.**

I tako završava naše putovanje od **palmi i sunca Miamija do svjetala i nebođera New Yorka** – uz uspomene na poseban početak 2027. godine.

Napomena: Sve satnice polazaka i dolazaka navedene su prema lokalnom vremenu.

Kraj putovanja.

CIJENA: 5.550,00 KM/osoba za prvih 5 putnika!

Regularna cijena aranžmana: 5.995 KM

U cijenu je uključeno:

- Povratna avio karta (ekonomska klasa, 2 x 23kg prtljaga + ručni prtljag 8kg) na relaciji Sarajevo-Istanbul-Miami i New York-Istanbul-Sarajevo sa kompanijom **Turkish Airlines**
- Sve aerodromske takse (389,00 EUR) i TSC,
- **4 noćenja s doručkom** u dvokrevetnim sobama (King krevet) u Miami u hotelu **Hilton Garden Inn Miami Brickell South** ili sličnom
- **3 noćenja s doručkom** u dvokrevetnim sobama (King krevet) u New Yorku u hotelu **Edison Times Square** ili sličnom
- Avio karte u ekonomskoj klasi na relaciji Miami – New York (American Airlines)
- Svi transferi prema programu,
- **Boravišna taksa i porez za noćenje u SAD (city tax, resort fee, state tax)**
- **Panoramski obilazak u Miami i u New York-u**
- Usluge iskusnog vodiča na engleskom jeziku, kao i pratioca grupe na bosanskom jeziku u toku cijelog putovanja i boravka u SAD-a,
- **Doplata za jednokrevetnu sobu 1.350 KM**

U cijenu nije uključeno:

- Viza za SAD sa agencijskom asistencijom (395 KM), potreban lični odlazak u ambasadu u Sarajevu
- Ulaznice u objekte, muzeje i mjesta od interesa koje nisu navedene u cijeni aranžmana
- **Prtljaga na domaćem letu** Miami- New York (prva torba 50 USD, druga torba 60 USD, max. 23 kg)
- Ručkovi i večere
- **Fakultativni/neobavezni izleti** (plaćaju se u agenciji prije polaska)
- Lični troškovi
- PZ osiguranje
- * Cijena vožnje metroom po karti u jednom smjeru cca 3 USD


HOTELI U PROGRAMU:

Hilton Garden Inn Miami Brickell South



Hilton Garden Inn Miami Brickell South smješten je na odličnoj lokaciji u blizini živahne četvrti Brickell i centra Miamijsa, s jednostavnim pristupom glavnim gradskim atrakcijama i plažama. Hotel nudi moderne i udobno uređene sobe, otvoreni bazen, restoran i bar, kao i prostor za odmor nakon cjelodnevno istraživanja grada. Zahvaljujući dobroj lokaciji i sadržajima, odličan je izbor za ugodan boravak i upoznavanje Miamijsa.

Hotel Edison Times Square (odlična lokacija)



*Edison Times Square Hotel smješten je u srcu New Yorka, tik do Times Squarea, Broadwaya i glavnih atrakcija, a nudi udobne sobe, moderne sadržaje i restoran, idealno za istraživanje grada. Jeste li znali da je Hotel Edison bio kulisa za brojne kultne filmske i televizijske scene? Od filmova poput **Kuma (The Godfather)** i **Birdmana**, pa sve do popularnih serija kao što su **Seinfeld** i **Seks i grad (Sex and the City)** – naš hotel na Times Squareu dio je filmske historije New Yorka.*

FAKULTATIVNI IZLETI

IKONE NEW YORKA

Tokom ove ture, koja se realizuje metroom, prvo ćemo posjetiti veličanstvenu **Empire State Building**, jednu od najviših zgrada na svijetu. Sa terase na 86. spratu, do koje se stiže brzim liftovima sa sistemom grijanja i hlađenja, uživaćete u prelijepom pogledu na New York.

Zatim ćemo se uputiti ka **Battery Parku** i uzeti trajekt za **Liberty Island**, dom **Kip slobode**. Ovdje ćete imati priliku napraviti predivne fotografije Kipa i Mannhattana. Zanimljivo je da je kip prvobitno izrađen od strane Otomana za projekat Sueskog kanala, ali nikada nije korišten; kasnije ga je modificirala Francuska i poklonila Sjedinjenim Američkim Državama. Takođe ćete uživati u pogledu na države New York i New Jersey.

Nakon povratka trajektom u Manhattan, prošetat ćemo preko ikoničnog **Brooklyn Bridge-a**, a zatim ćemo metroom otići do **Central Parka**, gdje ćemo ga istražiti pješke i napraviti pauzu u jednom kafiću.

Nakon pauze, posjetićemo **Grand Central Station**, glavnu željezničku stanicu izgrađenu 1871. godine od strane Corneliusa Vanderbilta, železničkog magnata i jednog od ljudi koji su izgradili Ameriku. Zatim ćemo se odmoriti u **Bryant Parku**, koji je posebno lijep kada ga navečer osvijetljavaju obližnji neboderi. Tokom ljeta, ljudi uživaju sjedeći na travi, čitajući ili družeći se.

Na kraju, vraćamo se u hotel ili započinjete **slobodno vrijeme** od Bryant Parka.

VOŽNJA BRODOM STAR ISLAND

Star Island se nalazi u najekskluzivnijem dijelu Miamijs. Tokom ove ture, imaćete priliku vidjeti kuće slavnih i bogatih iz svijeta filma i muzike. Na ovom ostrvu se nalaze domovi Glorije Estefan, Julija Iglesiasa, Madonne, Franka Sinatre i mnogih drugih poznatih ličnosti.

EVERGLADES AIRBOAT + POSMATRANJE ALIGATORA

Prvo ćemo se provozati **airboat-om** kroz Everglades, najveći prirodni park na Floridi, gdje ćemo upoznati prirodnu faunu ove oblasti. Možda ugledate aligatore kako se sunčaju ili love. Na farmi aligatora ćemo napraviti pauzu i pogledati lokalne aligatore uz predstavu nalik onima iz National Geographica. Takođe, imaćete priliku fotografisati se s mladim aligatorom. Nakon ture, transfer do našeg pristaništa privatnim vozilom.

KEY WEST FLORIDA TURA

Na ovoj cjelodnevnoj turi krećemo rano ujutro privatnim vozilom prema **Key West-u**, najjužnijem gradu istočne obale SAD-a. Tokom vožnje, s jedne strane uživamo u pogledu na Atlantik, a s druge na Meksički zaliv, dok prelazimo preko dugih mostova koji povezuju mnoge otoke Florida Keys-a.

Po dolasku u Key West, obaviti ćemo kratku panoramsku turu grada: vidjećemo **Southernmost Point**, kuću poznatog pisca **Ernesta Hemingwaya**, zimsku rezidenciju bivšeg predsjednika **Harryja S. Trumana**, te **Duval Street**, gdje se nalaze mnogi barovi i restorani na Key West marini.

Uvečer krećemo prema **Isla Moradi** da posmatramo zalazak sunca uz baklje i uživo muziku. Nakon ovog prelijepog iskustva, vraćamo se u hotel.

***Cijene svih izleta su promjenjive do dana realizacije zbog česte promjene kursa i moguće promjene cijene ulaznica**

VIZA: Građanima Bosne i Hercegovine potrebna je viza za ulazak u SAD-e. Detaljne informacije nalaze se na internetskoj stranici ambasade SAD-: <https://ba.usembassy.gov/bs/visas-bs/>. Izdata viza važi 10 godina.

Putnici na ovom putovanju obavezni su imati biometrijski pasoš sa datumom važenja minimum 6 mjeseci od planiranog dana povratka sa putovanja.

Agencija zadržava pravo promjene termina realizacije fakultativnih izleta.

Izleti će biti realizovani u slučaju minimum 10 prijavljenih putnika.

Za rezervaciju ovog putovanja potrebno je uplatiti 50%, ostatak se plaća najkasnije 1 mjesec prije polaska na putovanje.

Molimo Vas da se prije zaključenja ugovora o putovanju upoznate sa programom putovanja i Centrotours Općim uslovima putovanja

MOGUĆNOSTI PLAĆANJA

- Gotovinska uplata ili uplata debitnom karticom u Centrotours poslovnica
- Uplata na žiro račun u banci, pošti, ili internetskim bankarstvom
- Obročno shopping karticama (Unicredit do 24 rate, Raiffaisen i Intesa do 6 rata)

#StvaramoUspomene #Centrotours

Ažurirano 09.09.2026.g.

Autor programa: Amila Sirćo, mag. oec.